

•

ჩემი იღბალი გრიგალს დაჰქონდა
და ქარიშხალი მყავდა მხლებელი.
მზიანი დღეა, ახლა ბაქოდან
ნელა შემოდის მატარებელი.

ზარია, ლოცვა იწყება გვიან,
თითქოს ერთია ქარი და ნისლი.
აქ შემოდგომის ფიქრები ქრიან,
იქ ორთქმავალის კივილი ისმის.

ცხრა საათია, გზები იღვიძებს
და უკვე შეწყდა ზარის გოდება.
მე მარადიულ ცისკენ მივიწევ, -
ქვეყანა ახალ მზეს ელოდება.

ჩემი იღბალი გრიგალს დაჰქონდა
და ქარიშხალი მყავდა მხლებელი.
მზიანი დღეა, ახლა ბაქოდან
ნელა შემოდის მატარებელი.